

LUCERNA: Forum mundial da turissem

«Quadrin» aint igl focus internaziunal

G.N.S. 550 participants dad 80 teras èn sa participos alla 6avla ediziun digl Forum mundial da turissem a Lucerna. En tema è er sto: innovaziun. Scu bung exaimpel innovativ è er nia preschento en «Quadrin». Egn digls blers referents è er sto Enrico Uffe, igl patrung dalla Uffer SA.

Igl Forum mundial da turissem a Lucerna è s'avanzo igls davos onns tar ena occurrenza da renom internaziunal. L'emda passada ò gia li la 6avla ediziun da chel event mundial. «CEO» digl Forum mundial da Turissem è Martin Barth, tgi è sto avant passa 20 onns directour turistic a Savognin. Dalla parteida all'occurrenza internaziunala aint igl Center da congress a Lucerna (KKL) èn stadas 550 persungas digl turissem, dall'economia, dallas universitads, dalla furmazion e dalla perscrutaziun. Discussiuno on ellas cunzont tar igls temas innovaziun, talent e diversitad da manaschamaint. Nia preschento agls 550 participants dad 80 teras scu en fi g bung exaimpel per en product innovativ è er nia en «Quadrin» dalla fi ma Uffer SA.

Plazzo el agl «Europaplatz»

«Quadrin» ò igls davos onns sa fatg en nom scu en product multifunziunal, transportabel, temporar e cun esser da lenn er cun en intern ampernevel e pi tgod. A Lucerna on igls collaboratours dalla fi ma Uffer SA monto an treis deis igl «Quadrin» cun ena largezza dad 11 meters ed ena otezza da 7 meters. Pi prominent fi s strusch sto pussebel da plazzar chel. Per en pèr deis è «Quadrin» sto datgesa agl «Europaplatz», en li tgi totga tar igls pi bels a Lucerna. Fotografo vign chel da mintga Asiat tgi vign an Svizra ed er da blers digls 1.4 milliuns turists tgi pernotteschan an en onn a Lucerna. Igl antier cantun Lucerna ò an en onn digl reminent 12 milliuns turists digl de.

I dovra tots dus

Martin Barth tgi è er professour alla Scola ota Lucerna dei tgi cun esser innovaziun egn digls temas principals digl Forum mundial da turissem 2019 seia per el dalunga sto cler da preschentar «Quadrin» agls participants internaziunals. Lia mussar tar chel forum ins vegia er, tgi betg angal turisticchers saptgan esser innovativs, mabagn er persungas dad otras branschas scu per exaimpel Enrico Uffe, tgi vegia en immens success cugl



«Quadrin» anmez Lucerna, agl «Europaplatz» a caschung digl Forum mundial da Turissem.

«Quadrin» e chegl scu betg «turisticher». Igl turissem seia oz ranviia da bunas ideias tgi dereivan dad otras branschas. Igl madem vala er per exaimpel per l'economia tgi seia dependenta digl turissem.

A pled è er nia Enrico Uffer

Sa tgapescha tgi Enrico Uffer ò er gia la pusseblad da refereir tgl Forum mundial da turissem dall'emda passada a Lucerna. Igl patrung dalla Uffer SA ò referia quasi scu antschatta tgl «works shops», las preschentaziuns, otras occurrenzas e sedutas tgl tema innovaziun. Referia ò el sen fundamaint digl success tgi el ò ossa gio varsaquants onns cun «Quadrin». Impressiun ò cunzont fatg ad Enrico Uffer tgi igls participants da chel event mundial (corifeas digl turissem e dall'economia) discorran betg digl preschaint, mabagn digl avigneir. Dallas innovaziuns digl 2019 seia betg nia discurrenza blier, persiva da chellas digl 2025, dei Enrico Uffe. S'interesso pigl «Quadrin» on alloura er blers represchentants dallas medias naziunals ed internaziunals scu per exaimpel er igl emettour da televisiun «BBC». Do pled e fatg a chel ò Marc Janett, tgi segna tar la Uffer SA per las fi anzas e pigl marketing.

L'istorgia da success cuntinuescha

Igl bietg temporar a Lucerna è gio nia demonto per neir construa da nov an en oter li. Scu gio gl'onno passo vign la tribuna digl Festival da musica «Moon & Stars» a Locarno er

ad esser en «Quadrin». Chella occurrenza da musica antscheva igls 11 da fanadour 2019. Far adiever da «Quadrin» fon er igls organisatours digl Festival da musica «Paléo» a Nyon, en event da musica cun 230 000 visitaders. Li ò chel a parteir digls 23 da fanadour 2019. Giast vign «Quadrin» er ad esser tar la Festa da lotga naziunala igl davos avost a Zug, ena occurrenza cun 300 000 visitaders.



Tignia en schinumno «referat d'input» ò er Enrico Uffer, igl patrung dalla Uffer SA.